



Mbanjgaeuvaiz Gyaundeidei

美丽的牛角寨

环江思恩镇西南小学六年级 罗秋范

Mbanjgaeuvaiz youq cungq-gyang Vanzgyangh Yen Mingzlwnz Cin, liz yienhsingz 42 cienmij, dwg diegbya Gahswhdwz. Mbanj-gaeuvaiz dwg gizdieg faex heuloeg, yangjgi lai he, dwg aensuen guhcaemz guh'angq gyoengqvunz.

Ngoenzciet gozging, daxboh, daxmeh daiq gou bae Mbanjgaeuvaiz guhcaemz. Dou naengh diemj lai cung ci, daeuj daengz Mbanjgaeuvaiz gou gaenq siengjmuengh haemq nanz haenx.

Baez yamq haeuj Mbanj-gaeuvaiz, raq heiq homfwd he ci gvaqdaej. Caiq byaij haeujbae, baenz go baenz go faex sangsang daemqdaemq, loegyauiyau, loeg ndaej dwggyaez, loeg ndaej ronghcingx, loeg ndaej singjsien, hawj vunz

simsangj simsoeng. Mboujdan dwg saekloeg bw, baihdaw lij gap miz saekhoengz, yienh ndaej cibfaen gyaundeidei, hawj vunz simmaez.

Dou daeuj daengz benq faexcuk ndeu, mbaw faexcuk iqetet, rumz ci gvaqdaej, faexcuk bibuengq, mbawfaex yiengjsasa, fat heiqhom singjsien okdaej. Faexcuk daiq dou byaij baenaj, byaij coh dieg engq laeg bae. Neix dwg aen luegbya laeg ndeu, gizneix faexcuk geq sang daemx mbwn. Rag gofaex loh ok-daeuj vax rinbya gaenjaenaj bae. Ganjfaex genggw, gogaue doxheux doxrag doxlien, gij faex neix dwg ciuhgeq louz roengzdaej. Ndaw lueg seiz mbouj seiz miz sing roeg cienz daeuj, gyoengq roeg miz mbangj youq gwnz nyefaex douh, miz mbangj youq

gyangmbwn mbin, sing roeg couh lumj diuz go ndei dingq ndeu.

Dou youh gyavaiq yamqdin, daeuj daengz giz raemxdiuqdan. Gou yawjraen baihnaj miz mbaw lienz-raemx hungmbwk ndeu, "vavava" daj dingj bya bu roengzdaej, venj youq gwnz dat. Raemx doek youq gwnz rin sinz hwnj varaemx iq, youq laj ndit ronghmyanmyan, ndeiyaew dangqmaz. Laj din lienzraemx, sinz hwnj varaemx hung duj baenz duj, raemx sinz hwnjdaej baenz hoenz baenz mok hausagsag.

Mbanjgaeuvaiz caen gyaundeidei ha, caen dwg diegsien gwnzbiengz! Baezlaeng gou lij ciengz daeuj gizneix guhcaemz.

(指导老师:罗 凤)

Geiq Baez Doxdax Gangj Goj Ndeu

记一次讲故事比赛

环江思恩镇人和小学四年级 蒙 婕

2014 nienz 10 nyied 26 hauh, gou camgya Daengx Gih Daihsam Gaiq Siuj Hagseng Yungh Byauhcunj Vahcuengh Doxdax Gangj goj, gou youh gaenjieng youh sim'angq. Aenvih gou caengz camgya gvaq daengx gih doxdax gangj goj, lau gangj mbouj ndei, ndigah mizdi gaenjieng. Hoeng, ndaej camgya cungj hozdung neix, hawj swheij ndaej daengz donlen, gou youh gig angq.

Youq ndaw hoihciengz doxdax gangj goj, comz miz vunz gig lai, miz boux senjsouj camgya doxdax, miz bingzvej lauxsae, miz bohme hagseng caeuq gyoengq doengzhag yawj, gou gig vaiq couh yungz haeuj cungj heiq angqyangz neix bae.

Seizneix, boux cujeiz senhbu doxdax hainduj lo. Boux gangj daih'it dwg boux doengzhag it nienzgaep ndeu, de gangj aengoj dwg 《Lwg Mou Biz Daej Lo》. Gaej yawj de nienzgeij saeq, de gangj ndaej lij mbouj ca bw. Lwnz daengz gou hwnj daiz gangj lo, ciuq lauxsae gaxgonq gangj, gou daihdaih fuengfueng byaij hwnj gwnz daizgangj bae, ndwn youq gwnz daiz. Muengh lwgda bingzvej lauxsae cim yawj gou haenx, ndawsim gag roxnyinh gaenjieng, sim diuqbubbub, lumjnaeuz cungj yaek diuq hwnj congghoz daeuj, angfwnz hix miz di dumz lo. Yaepyet lumz aengoj gou yaek gangj haenx lo. Seizneix, Cinz lauxsae yawj daengz gou dwg yienghneix gaenjieng, couh daengj mehfwnz hwnjdaej, lwgda lumjnaeuz cingq gangj: "Gaej lau, aeu doiq swheij miz saenqsim, mwngz dwg boux lwnyez ak ndeu." Yawj daengz lwgda unqswnh caeuq gujli lauxsae, aensim gou cugciemh dingh roengzdaej. Gou sup gaemz heiq raez ndeu, dawz di dungcoz gaxgonq bwh haenx gya haeujbae, caj gou raeuzred dawz aengoj gangj sat, laj daiz yiengj hwnj sing bekwngz goksasa.

Baez doxdax gangj goj neix lij gangj miz aengoj 《Aen Vanjfaex Ndeu》、《Gou Dwg Mbanjcuengh Samcej Iq》、《Mui Gik Cawx Gva》、《Lwg Hozloz》daengjdaengj, daihgya gangj ndaej cibfaen cingcaij, gou dingq ndaej haeuj rwz dangqmaz. Daegbied dwg senjsou iq itnienzgap gangj 《Duzguk Mbouj Miz Heuj》seiz, hag duzguk caeuq manaez gangjvah, hawj daengx ciengz vunz cungj rihaha hwnjdaej.

Baez doxdax gangj goj neix, yienznaeuz gou cij ndaej daihsam mingz, hoeng gou gig angq, aenvih gou daj gyoengq doengzhag wnq biujyienh ndawde hag ndaej doxgaiq gig lai, gou itdingh hagsib gyoengqde, baezlaeng gou biujyienh itdingh engq ndei.

(指导老师:陆银核)

Yawj《Mui Haeujok》Siengjdaengz

观《熊出没》想到的

环江思恩镇西南小学五年级 韦海桐

Daj gou rox saeh doxdaej, yawj dungvaben hix mbouj noix lo, ndawde benq dungva 《Mui Haeujok》ciengzseiz yinx gou bae naemj.

Daengz seizneix, gou vanzlij gyaez yawj 《Mui Haeujok》. Daj canghraemjfaex—Gvanghdoungziengz haeuj ndaw ndoengfaex mwncup gyoengq doenghduz bae, gyoengq doenghduz couh hainduj gvaq gij saedcej mbouj an'onj lo. Gvanghdoungziengz moix ngoenz cungj bae ndaw ndoengfaex raemj faex, gyoengq doenghduz cien fueng bak geiq laengz Gvanghdaeuzeigz, mbouj hawj de raemx faex.

Miz baez ndeu, Gvanghdoungziengz dingh le gaiq baengzraiz ndeu, cijaeu de dawz gaiq baengzraiz neix longz youq gwnz ndang, baujingq bouxwnq yawj mbouj raen de. Ngoenz ndeu banhaet, Gvanghdoungziengz longz gaiq baengzraiz bae raemj faex lo, de raemj go youh go, benq faex couh yaek deng

de raemj caez lo. Muilaux、Muingeih gaenjgip daeuj laengz, hoeng gyoengqde cij yawjraen baenz benq faex hung laemx roengz, cix yawj mbouj raen ngauez Gvanghdoungziengz. Muilaux、Muingeiz gig ngeiz: Gvanghdoungziengz bae gizlawz lone? Gyoengqde dauqawq bae ra Gvanghdoungziengz. Gvanghdoungziengz cix ndoj youq laj gaiq baengzraiz caeg riu: Muima huk deng gou yaeuh luba, caj sou byaij lo, gou lij raemj faex fatcaiz ne? Gvaq le gig nanz, Muilaux coengmingz dauqdaej fatyienh gij mimiz Gvanghdaeuzeigz lo: Laxlawz Gvanghdoungziengz yungh baengzraiz goemq gyaeuj, hawj vunz yawj mbouj raen de. Vihliux baujhoh aenranz gyoengq doenghduz, Muilaux siengj ok aen banhfap he daeuj doiqfouq Gvanghdoungziengz: Banhaemh Muilaux swnh Gvanghdoungziengz ninzndaek le, dawz dangzrwi cat youq gwnz gaiq baengzraiz. Ngoenz daihneih, Gvanghdoungziengz yungh fuengfap doxdoungz bae raemj faex seiz, couh yinx daeuj hauj lai duzrwi humx aen'gyaeuj Gvanghdoungziengz luenh ndat, in ndaej Gvanghdoungziengz youq gwnz dei ringx bae ringx dauq. Muilaux、Muingeih youq henz bekwngz hemq ndei, caen dwg vunz rwix miz rwix bauq ha.

Dang gou youh yawj daengz gyoengq doenghduz youq ndaw ndoengfaex mwncup vaiqvued gvaq saedcej seiz, gou vihneix simangq, engq boiqfug Muilaux、Muingeih vih baujhoh ranz swheij bae roengzrengz siengj banhfap.

Moix baez gou yawjraen faex hung deng raemj, go'nywj dengj caij, gou lumjnaeuz dingqny go'nywj caeuq gofaex cingq doiq gyoengqvunz gangjlnh gij funghcaij gaxgonq caeuq siengsim ngoenzneix gyoengqde.

Hawj raeuz lumj duzmui nei caez daeuj baujhoh gofaex, baujhoh vanzging, baujhoh ranzmbanj gyaundeidei raeuz ba!

(指导老师:罗少维)

